



# ЧАННАЦУКУ

«ЗВЕЗДА»

29 сентябрь 2017ш

ножмар

№ 40 (6571)

Багъа 2 кзуруш

Газета буклаккиссар  
1951-ку шинал  
ноябрьдания шинмай

Учредитель: Ккуллал районналул администрация  
Кулинская районная администрация

Рамазан Абдулатипов хуна авкунни Ккуллал ва Лакрал районналул каялувчитурашал даврил х1акъираву

## Мюнпатсса хунабакъаву



20-нний сентябрьданул Дагъусттан Республикалул бак1чи Рамазан Абдулатипов хуна авкунни Ккуллал ва Лакрал районналул каялувчитурашал Саид Сулаймановлушчал ва Юсуп Мах1аммадовлушчал, миннал ххал бивгун бур районнайсса социально-экономический тагъарданул хъхьич1уннайшаву.

Хъусса хунабакъаврий Саид Сулаймановлул бувсун бур, шяраваллил хозияствалул хъун дуллалисса продукция ца инсаннан х1исаврай Ккуллал районналул к1илийн гъарзану душиву шала республикалий аьмну х1исав дуркун.

Даимангу дусса, шурушисса ризкьилул, яттил фермардац1ун Ккуллал районналул махъсса шиннардий х1асул хъуну, ц1акъну ччаннай дарц1ун зий дур ххюнк1рал ферма цич1агу бусса 20 азарва ххюнч1а.

Миннуя ласайсса дик1 ва хъинну мюнпатсса калорийный ккунуку биян буллау буссар агъалинансса магазиннай Махачкала шагърулийсса. Миккусса цува заллусса ишбазаранчи зий ур лябукку буну. Мукунна зий дур хъуни дакъасса аьнак1ал фермарду 5000 бак1 бусса. Саид Сулаймановлул бусаврийн бувну район хъхьич1уннай дан дивхъусса инвестициярду 2016-ку шинал хъанай дур 148 мллионналийн бивсса.

Рамазан Абдулатиповлул ч1урч1ав дувну дур

цайми мюнпатну зузисса районналул гъунар, бюхъу эбратран ласун, цилгу районналул тагъар-экономика хъхьич1уннай дан цивппа заллусса ишбазаранчитал х1ала-гъуртту баву.

Мукунсса ишбазаранчитал-инвестортал жуч1анма к1унк1у баву бакъассагу, миннал буллалимуниц1ун ка бакълан аьркинссар, цан учирча ми бунут1ий жунмагу мюнпатну зий. Укунмагу къач1явусса ишбазаранчитал бур жуч1ава зун ччисса, зунтаву. Жунмагу ка бакълан аьркинссар миннац1ун, минал ита дакълакьисса продукция ларайсса даражалул ва мюнпатсса дик1аншиврул. Мукун бик1аншиврул ишла дуллалира гъарца шарт1ру, увкуна Рамазан Абдулатиповлул.

Ккуллал районналул каялувчи Саид Сулаймановлул бусаврийн бувну,



чирчун х1адурну дур къут1и ва рязишиву ва дай дирхъун дур проектрал давуртту Къяннал шяраву фабрика бансса, цилгу ита дакълансса парфюмерия-косметикалул къайрду. Цила чулуха Рамазан Абдулатиповлул ч1урч1ав дурну дур районналул гъарца бан мюршултрансса занакъулу хъанансса к1антту-мюршултрал багъру ( садикру).

Саид Сулаймановлул к1иц1 бунни мукунма районналул хъунмур к1анайн Ваччавн бияннинсса машина ххуллурду бакъин буллау бушиву.

Мунил чулухагу Республикалул каялувчинал бувсунни, к1ира шинава районналул цил багъайкунсса машина ххуллу хъунт1ишиву.

Мукунма сукку бувна районналул цин лавхъхъусса, буттагъал ирсирай нанисса аьдатру ва занакъулушиннарду ядаву. Рамазан Абдулатиповлул амру бувунни ита бакъин 1(ца) миллион кзуруширттал пагъламантурал школулун, цувгу шурушисса Ккуллал районналул цилгу хъиннува янилун ласун увкунни мукунсса ирсирай нанисса цин лавхъхъусса т1илисин бумур. Мукунма ккаккан бунни дуван фестиваль пагъламантурал республикалий, цивугу гъуртту хъанакъисса цинявппагу х1укуматрайсса артистал.

## Оьрмулул бугъараминнал кьини!

Верховный Советрал президиумрал постановленилин бувну 1 октябрьданий шалагу Россиянаву хуна дакъайссар оьрмулул бугъараминнал кьини. Ва кьини хъанакъиссар кьинину хъунмасса барчаллагъ т1исса оьрмулул бугъараминнахъ миннал бувсса зах1магран буттал к1ану ххассал буллау ва дъявилул лекъа-п1якъу дуресса шяраваллил хозияство ччаннай дац1ан дуллау. Хъуннасса даву дурессар ва ц1анакулсса ч1умалгу дуллалиссар вайннал ялун нанисса ник тарбия буллау, миннал оьрмулулу т1айласса ххуллу ккаккан буллау.

Ц1анакулсса ч1умалгу дъяви къуртал хъуну махъ оьрмулул бугъара хъумигу цацава шайсса х1арачат буллау бур цивппа зузисса давурттай, зукъазипенсиярттай бумигу мяърипатрай тарбия бан ялун нанисса ник , кумаг буллау бур районналул экономика гъаз дуван. Тач1ав хъама къабитан аьркинссар вайннал бувсса ва буллалисса зах1мат, вайннал чулухунмай х1урмат буллан. Оьрмулул жагъилминнан, учреждениярттал, организациярттал руководителтуран дак1ний бик1ан

аьркинни хар-хавар бакъа оьрму най бушиву, ч1ал къавхуну циппагу ттаттахъулбавахъул хъунт1ишиву. Цуксса жагъилми оьрмулул хъунаманакъулагъас дуллау урив муксса мунахгу оьрмулул угъара хъукун дик1ант1иссар.

Оьрмулул угъарама хъанакъиссар цала оьрмулул опытрашал, аькьуллушчал гъарца къаптул ттарц1ну мунал гъелину я буллалиссар къаптувусса багъу-бизу.

Районналул администрациялул постановленилин бувну шала октябрь барз баян бунни барзну оьрмулул бугъараминнал, къамул дунни дуллансса даврил план. Умуд бур ва постановленилул т1алавшинна цинявннал биттур данссар т1ий.

Барча буллау оьрмулул бугъарами ва ххарисса, дак1ний лич1айсса праздникрашал, районналул Совет ветеранов войны и труда ч1а т1ий буру вайннан ц1акъсса ц1уллушиву, оьрч1ая ххаришиву, кулпатирттаву т1айлабац1у.

**А.Загъидиев**  
Председатель Совета ветеранов

## Виричунал юбилейрайн х1адур хъанай

К1улсса куцдуй 30 сентябрьданул жула районналул агъали лахъа-хъунну к1иц1 лаглан най бур Совет Союзрал Вричу, ццах бакъасса, бусалдаравун агъсса, душманнал танкардал балачи Макаев Ц1аххуй Макашариплул арсан 100 шин шаврил юбилей.

Юбилейрайнсса х1адуршиннарая уттинингу чивчессия. Гания махъ шяраваллил администрациялул каялувчи Рамазанов Исъял каялувшиннарату дуллау бур ва дунни тамансса итгалун дагъансса давурттив виричунал шяраву Ч1яв.

Микку к1иц1 лаганну, ц1у лаган бувну, чанна лахъан бунни шяраваллил администрация ва лагма ялттусса к1антту, шяравусса к1ич1ирттал тагъар ххуйну дакъая, биялсса ххюл бивчунни гъарца к1анттайн ва ми къа банссар, чанна лахъан дунни шя-

равалу, чирахъру ц1у буккан бувну, хъхъувай лахъайсса. Цумацагу шяравусса агъали цила лагма ялтту лакълай, марц1 чапалшиврулсса буллау булувкъун бур. Гъарицагу къапурдайх, ч1авахъулттайх, сирду бувккун, ч1иртту х1улувгун виричунал шяравалу шагърулийн к1ура даян дунни. Мукунма школалул учительтал ва школьникталгу махънин къабагълай зий бур мукунинин школалул ва лагма ялттусса к1антту марц1 буллау. Шяравун буххайсса к1анттай ва администрациялул, клубрал ч1ирай ларч1ун дур, сурагу, виричунал чувшиврия бусласисса.

Бухъхъияра Виричунал кьини хъун дан виричунал буттал шяравун Ч1явн му кьини!

Гъарца увк1маная жу ххариссару!

**А.Абдуллаев**

## МахIачкьалаллал кьинилия бахшиширттащал



Жуяра ларгсса нюжмардул 23-24 сентябрьданул кьинирдай хьуна дакьлай бивкIессар МахIачкьала шагьру сакин бунния шиннай 160 шин барт лагаврин хас дурсса кьинирду. Вай кьинирдал культуралул программалувух гьуртту хьун лавгессар жула Ккуллал районналул культуралул зузалтгу. Гайра кьинирдай МахIачкьалалив най диркIесса «Цамаури» фестивалданивух гьуртту хьусса «Бартукь» ва «Вихлинка» ансамбльданун буллуну бур дип-

### Цила чIумал буллалияра харж бувсса токрахсса багья

Ххирасса лакрал жямат! Цала-цала дуллаисса давурттай инсаннан агьамну дикIайссар цала даврил хIасил. ХIухчин гьарза хьун ччиссар цала ризкь, гьарза хьун ччиссар гайннуя ласайсса мюнпат, хьудугьун хьувату ласайсса бакIлахья, хIакиннан гьарзану агьали хьин буван.

Жулмур (энергосбытрал) даврил хIасил хьанакьиссар агьалинал харж бувсса токрах датIайсса

ломру. Жула культуралул зузалт гьуртту хьуну бур мукунма МахIачкьалаллал майданнив най диркIесса гала концертравуху.

Вайра кьинирдай культуралул давурттаву дурсса хьхьичIуннайшивуртту хIисавравун ларсун Ккуллал районналул культуралул каялувчинан Ибрагьимова Маринан дуллуну дур «Заслуженный работник культуры РД», - тIисса хIурматрал ца.

Барча Мариной вин дуллусса хIурматрал ца!

арцу. Цинявппа жува лагару ттучандалийн аьркинмур ласун. Амма цавагу кьалагарухха ттучандалия ччатI, макаронну, усеру ягу цамур хьус дацин. Ва жу щаллу буллалисса ток (электроэнергия) хьанакьиссар хьус (товар) шардай диян дуллалисса, цинма лавхьхьусса заллукьру бусса хьусну. Вай хьуслил заллукьруннал бувгьусса зузалт буру жу, дакьягу мадари, дацингу мадитари, дарххусса хьуслих

### ЗахIматрал ветеран цIанин лайкь хьунни

ЧIарусса шиннардий, дакIнихтуну цивппа зузисса даврий бихьлахьисса захIматрахлу уттигьанну «ЗахIматрал ветеран», цIанин лайкь хьунни Агьали давурттал щаллу буллалисса идаралул щаллу буллалисса идаралул зузалт:

1. МахIаммадов Абдулгьани Давдиевич.
2. Сулайманов МахIаммад Сулайманович.
3. Кьурбанов МахIаммад МахIаммадович.
4. Аьлибекова Патимат АхIмадовна.

Ча тIий буру уттиния тихуннайгу хьунисса хьхьичIуннайшивуртту.

УСЗН-налул специалист Аскандаров З.П.

## КУРСРУ БУВККУМИННАН СЕРТИФИКАТРУ ДУЛЛУННИ

Гьинттулсса оьрчал каникуллал зурдардий МахIачкьалаливсса «Центр обучения иностранных языков», - тIисса идаралул Ваччиял школалий хIасул бувну бия районналийсса школардай ингилис мазрал дарс дихьлансса учительтал хIадур буллалисса курсеру. КIулшиву дулаврил министерствалул баян бувсса кущуй, 2020-ку шинал школа кьуртал буллалисса оьрчан дулун багьан тIий бусса бур ингилис мазрал ЕГЭ. Мунинин хIадуршинна дикIаншиврул хIадур буллаи бивкIессар вай учительтал. Курсирдай дуклай ивкIессар 18 учитель.

25-нний сентябрьда-



ядул залданиву. Шикку гьуртту хьанай бия кIицI бувсса



нул курсеру кьуртал бувсса учительтуран сертификатру дулун бувкIун бия жула районналийн вай курсирдал директор Игдиян Хишам ва дарсеру дихьлай ивкIесса Авад Хамадах. Учителътуран сертификатру дуллалисса иш-тагьар най бия районналул администраци-

курсирдал каялувчитал бакьягу районналул бакIчинал хьиривмур Ильясова Сабрина, УО-лул каялувчи ХIаммакIеуева Альбина, УО-лул пишакартал, школарттал директортал. Учителътурал цала чулуха багьлул ххирасса бахшишругу дуллауна цала учителътуран. Хьуна шикку

учителътурал кIулшиву ххал дуллалисса ингилис мазрайсса ихтилатру. Цила ихтилат УО-лул каялувчинал бувнуна оьрус мазрай ва ингилис мазрай. Ва ишгу курсирдал каялувчитуран ххуй бивзун хьатру рищлай бия. Махь лавхьуна мукунма Ильясова Сабриналгу. Сертификатру дуллуну махь ванил районналул бакIчинал чулуха курсирдал хьунаманан Игдиян Хишамлул дуллауна ХIурматрал грамота.

Ва сертификатру дулаврил иш-тагьар лавгуна хьинну тьяхану, ингилис мазрай куннащал ку хьярчу буллаи. Умуд бурмукунма жула оьрчан вайна ххуйну ингилис мазлахьхьин буванссар тIисса. Дуллалимур гьарцанналлагу тIайлабацIулийн дукканнав.

**XI. XIусайнов**

Сурапирттай: Сертификат дуллалинийсса лахIарду.

### Ккуллал шяраву ххуйсса даву дувунни

Дагьусттаннал Халкьуннал шаэрнал АбулIалип Гьапууровлул ччянива увкуну бур: «Лавгмунин жува ттупанг битарча, бу-чантIимунил жуйнма ттуп битан тIиссар», - куну. Бунияла циксса жунма мукун кьачIалай ччарчагу битлай бур жуйнма уттизаманалул чIявусса ттупру. Дяьви Лаккуй кьанай бунува ЧIарусса шяраваллавусса кьатри дур ттупал ппив дурни кунна а-а дархьун.

Амма бивкIессар жула миллатрал дянив муданмагу чумартсса давурттив дуллалисса ва хIакьинугу дуллаинмасса чиваркI.

Яний цайнма ялун букI-лакIимунил ттуп кьабитанну оьрмулуву кьуццу тIисса инсантал. ЧIарусса шинну ларгуна Ккуллал шяраваллил хIатталлил лагмасса чIянира дурну диркIесса чапар зия хьуну. Гивун гьаттара бухлай хьиннура чаплагьшиву хьанай дуссия. Вана уттигьанну Ккуллал шяравасса Кьизлардал шагьрулий яхьанайгу зугу зузисса уссурвал Аьлибеков МахIаммад, Ибрагьин, МахIаммад-ХIажи цала зунттавусса шяраваллил хIатталлил лагма дацIан дувансса 360 метралул лахьшиврийсса муххал профиллая ва турбардая

дурсса чапар ларсун бувкIунни. Ванахха жула дянивгу буну чумартсса арамантал!

Яла ва чапар шяраваллил жагьилтал бавтIун субботник дурну хIатталлил лагма дацIан дувунни.

Ккуллал шяраваллил жямат, шяраваллил администрация хьунмасса барчаллагь тIий бур МахIаммадлухь, Ибрагьиннухь, МахIаммад-ХIажилахь. Яраппий я Аллагь зу ка тIиртIунийн диллай личIаннав. Ххари хьуссар Ккуллал шяраваллил хIатталлив махьра-махьсса мина хьусса инсантувал рухIругу.

**XI. XIусайнов**

Учитель вил цланил хьхьич1, х1урматрай икрам банна

## Школалул пахрулунсса учительница



Буссар жула дяниву ялапар хъанай ххаллисса инсантал, гьарцаманал пахру бан лайкьсса, амма ми жунма х1асаввагу къахъанайсса кунма, цила инсаншиврул, дак1 хъун дакъашиврул буссавагу к1ул къахъунну оьрму бутлай буссар, амма анжагъ мукунсса инсанная ихтилат багъни к1ул шай ганал бувтсса оьрму, шяраву гьарманнахгу пахрулунсса бусса.

Х1акьинусса ттул ихтилат Ч1айннал дянивмур даражалул школалый яла агъанминнубусса ца элмуллул химиялул дарс дихълахъисса учительница Джалалова Х1абибат Ширванинал душняр.

1983-ку шинал марц1ун ххювардай Ч1айннал дянивмур даражалул школагу къуртал буну гара шинал Х1абибат дуклан бувххуна Ростов шагърулийсса х1укуматрал университетрал химиялул факультетравун. Ялич1ину химиялул факультетравун гъангу, микку хъунмасса бияла хъуну бия аьпалувух ивхъусса химиялул учитель Апанни Амировичлул му дарс ххирахъунну дишаву. Х1абибатхъал хъунмасса къушлий, буттагу кулпат мюрщину бунува яла лавгун, ка дугъанма акъасса къушлия, школа къуртал бусса душ, нигъагу къабусун, архсса шагърулийн лагаву дакъаривла му ца вричушиву, элмулхсса мякьлил бувцухъунссия. Университетраву ккалаккисса ппурттуву Х1абибатлул ч1алач1и буну бур Ч1айннал дянивмур даражалул школалый элмуллул курт1исса к1улшивуртту дуллай бушиву. Х1акьинусса кьинигу мунич1а ябуллай бур цуппа

ккалай бивк1сса университетрава, химиялул профессорнал, Ч1айннал школалыйн гъан бусса барчаллагърал чагъар, миккугу, хьхьич1 химиялул учитель Эфенди Амирович, хъирив щала учительтурал коллективрахъ укунсса ученица тарбия баврихлу, ванин гьарцагу дарсру лахъхъин даврихлу барчаллагъ т1исса. Ххаллисса ккаккиарттащал университетгу къуртал буну махъ Х1абибатухъ тиккусса преподавательтал тавакью буллай бивк1ун бур, тиккува аспирантулавун бухху, бац1у шихва, малагара т1ий, амма чичру укунсса духъунссия цила шяравучу Жалаллушал ташугу буну му лавгун бур Туркменичавун, Чолотань т1исса шагърулийн.

Ац1ра шин та шагърулий зийгу дурну школалый химиялул учительницадану, жалал ва Х1абибат зана хъуну бур Лаккуйнай буттал шяравун.

1998-ку шиная шинмай Х1абибат зий бур Ч1айннал дянивмур даражалул школалый химиялул дарсру дихълай. Цила предмет ларайсса даражалый к1улсса, химия цпаду, гьарцагу хьхьич1унсса ВУЗирдаву аьркинсса, хаснува медициналуву, х1абибат Ширваниевна даимангу х1арачатрай буссар, дуклакки оьрч1ан му элму курт1ину лахъхъин дан. Цалгу, к1илгу, ац1иллагу дурч1ин дан махъаллил къашайссар Х1абибатул цила дарс, ахттая махъ ч1я-

вуну бачайссар кружок дуссар т1ий, дарс къадурч1уманхъ ялагу буссар, шаппай бухъхь, нач мадару, на зун уттигу дурч1ин данна т1ий. Миккугу аьркинни хъуннсса ссабур ва ях1. Х1атта Х1абибат Ширваниевна аьт1ун х1адурну буссар дуклакки оьрч1ан цила дарс къадуч1ларча. Ч1явуну, чан къашай школа къуртал буллалиминнал ЕГЭ-луву химия дурч1усса, миннащалгу

буссар шаппай занай х1адур буллай. Мукун Ч1айннал дянивмур даражалул школалый медициналул академиялувун бухлайми чан къашай гьарца шинал. Х1акинтал хъусса школалул выпускниктал, х1акьинусса кьинигу Х1абибат Ширваниевнайн икрамрай буссар. Ванил цила Беллагу бур х1акин, жула больницалий зий. Ва бур Аллагънал ва ляхъан бусса химик. Ч1ярур Х1абибат Ширваниевнач1а х1урматрал грамотартту, бахшишру. Ч1ярусса шиннардий дак1нихтуну бихълахъисса зах1матрахлу школалул 100-шинал юбилейрайн 2012-ку шинал лайкь хъуна «Дагъусттан Республикалул лайкь хъусса учительница»,-т1исса бюхттулсса цланин Каялувшиву дуллай бур 6 классрай.

Ц1анасса заманнай школарттай дуклакки оьрч1ру чан хъуну, Х1абибат Ширваниевна зий бур, бувагу бач1и ставкалий, кьарити бачу шагърулийн, т1ий унува лас Жалал, цила ххирасса пишалийн хаин хъун бюхълай бакъар ванища.

Барчаллагъ вин, цал ялагу барчалагъ Х1абибат Ширваниевнай.

Зий буссия Х1абибат цаппара х1аллай школалул директорнугу, амма ужагърай сант дакъашиврин буну букъан багъуна.

Ялун нанисса учительнал кьинилушал барча буллай Х1абибат Шиварниевна, ва мунищал щалагу районналийсса цинявпагу учительтал ч1а т1ий буру ц1уллушиву, т1айлабацу зула бигъа бакъасса давриву тирхханну яла-яла зула ученикурал зу бюхттул баву!

А.Абдуллаев

## Бугъараминнал кьинилун хасну



Жуч1ара аьдатравун дагъну дур октябрьданий бугъараминнал кьин к1иц1 лаглай.

Ттул пикрилий бугъараминнаха жува даимангу х1урматрай бик1ан аьркинссару. Жул шяраву къаливч1унни цаягу хъун дяввилул гьурттучи.

Бур цаппара дяввилул шиннардий кьинттуллух зий зах1мат буллай бивк1сса хъун дяввилул ветерантал, бур зах1матрал ветерантал. Хъунисса ва димансса х1урматирттан лайкьссар ми цинявпагу, цан чирча миннан ккаккун т1ий та ч1умал ккашигу, мякьгу, амма сахч1ав къабурувгун ми зий бивк1ссар цала нитти-буттахъащал, хъуними уссу-ссуравраштал ххувшаврил кьини гъан дуллай.

Мукун ч1явусса зах1матру бусса жул Ч1айннал шяраву бур тамансса миннавух бур: Шаьванхъал Хамисат, Юсупова Аминат, Айдаева Райх1анат, Маммадиева Патимат, Маммедова Басират, Сутаев И-халил, М-алиева Ума, Мах1аммадов И-халил, Къурбанова Тамара, Оьмарова Х1урун, Къурбанов Т1алх1ат, Даудов Аьбурах1ман, Султанаах1мадов Аьбид, Мудунова Къут1у. Миннал буслан бик1ай цукун зий бивк1ссарив буххаву дакъа тай шиннардий. Жул ч1аххурайсса ттула ниттил ссурахъуйл кулпат Шяьбанхъал Х1амисат буслан бик1ай, тай дяввилул шиннардий, цуппа ч1ибисса 9-10 шинавусса душ ферма-

лий дояркану зий бик1ай-ссияв т1ий. Хамисат бур зах1матрал ва дяввилул ветеран, гания махъгу цимигу шинну колхозраву зий дурссар, цила оьрч1ру душругу ххаллилу тарбия буссар муданмагу лази лавкъун марц1ун хъунуманан х1урмат буну тарбия буссар кулпатгу Хамисатул ва Шяьбаннул, Шяьбан аьпалувух ивхъун цаппара шиннур. Хамисат бугъара хъуну арснач1а Мах1аммадлулч1а бур, ванал

кулпат Асият даимангу х1урматрай буссар Хамисатуха.

Цинявпагу бугъараминнал барча буллай бугъараминнал кьинилушал ч1а учин ччива ц1уллушиву, кулпатинная тир-



ххану, рах1атсса, ххарисса, дигъалагру ва дак1ниймур барт лагаву.

Вай ххаругу хас буллайра миннан:

Зу бувцири зах1матру Циняв цач1у биширча Москвауллал хъун шагъру Машан ласун хъунссия

Буния мусил ц1уртти Ц1ана ттула к1унттишиву Зул хъзамирттай лач1ун Махъаллил къахъувияв.

Вай к1иц1 лавгсса вайннайр цахъи мюрщисса, вайннал хъирив нанисса зах1матрал ветеранталгу буссар жул шяраву:

Керимова Шамсият, Алилова Патка(шарав), Ибрагъимова Маржанат, Мах1аммадова Минажат, Аьлилов Аьли, рамазанов Сажд, И-Х1алилова Пазилат, Рамазанова Ума, Кузурова Маржанат, Багова Зинат, ц1а къачивчнал багъишла итира!

Барча зул кьини зах1матрал ветерантал, х1урмат бусса бугъарамин!

А.Абдуллаев

Редакциялул адрес  
368390, Республика Дагестан  
Ккуллал район, ш.Ваччи

Издательнал адрес:  
Республика Дагестан  
Ккуллал район, ш.Ваччи

Газета регистрировать  
буссар РФ-лул МТПР-лул  
Южное межрегиональное  
управлениялул.  
Регистрациялул номер  
ПИ № 10-4202

Хъунама  
редактор  
А.И. Къянчиев

Газета бавт1уссар «Чаннац1уку»  
газетрал редакциялул компьютердай,  
бивхъуссар ГАУРД «Издательский дом  
«ДАГЕСТАН». Типографиялул адрес:  
367018. Мах1ачкъала, пр.  
Насрутдинова 61,

Буккайссар ножмардий цал,  
Индекс: 51317  
тираж 657 экз. Газета итаба-  
кьин кьулбас дайсса ч1ун 17. 00,  
кьулбас дурсса ч1ун 16. 00

gazetazvezda0@mail.ru